



Adresa: **Ul. Grbavička 4**
71000 Sarajevo
<http://www.voda.ba>

tel. +387 33 565 400
fax. +387 33 565 423
e – mail: jvp@bih.net.ba; info@voda.ba

Broj: **UP-I/25-40-717-7/08**
Datum: 07.07.2009.god.

"Agencija za vodno područje rijeke Save" Sarajevo, rješavajući po zahtjevu JKP Vodovod i kanalizacija Tuzla, za izdavanje Vodne dozvole za sistem vodosnabdijevanja Tuzle sa područja općine Kladanj, Živinice i Tuzla na osnovu člana 109 stav 1. tačka 1. i 139 stav 1. tačka 1. Zakona o vodama ("Službene novine Federacije BiH", broj 70/06) i člana 200. stav 1. Zakona o upravnom postupku ("Službene novine Federacije BiH", broj 2/98 i 49/99), donosi

RJEŠENJE **o vodnoj dozvoli**

1. Javnom komunalnom preduzeću "Vodovod i Kanalizacija" Tuzla, kao korisniku, izdaje se **VODNA DOZVOLA** za:
 - A. Postrojenje za prečišćavanje voda – Fabrika pitke vode "Cerik",**
 - B. Vodozahvat pitke vode u Stuparima i pripadajući dio sistema vodosnabdijevanja,**
 - C. Vodozahvat Toplice i vodozahvat Sprečko polje sa pripadajućim sistemom za vodosnabdijevanje.**a sve za potrebe snabdijevanja vodom potrošača na području grada Tuzla.
2. Vodna dozvola se izdaje uz slijedeće uslove koje je korisnik objekata dužan ispuniti u utvrđenom roku i to za:

A. Postojenje za prečišćavanje vode – Fabrika pitke vode Cerik – I faza

- 2.1. Da korisnik predmetnih objekata iste održava u funkcionalnom stanju u skladu sa njegovom prirodom i namjenom, izdatim vodnim aktima i općim aktom o održavanju, korištenju i osmatranju vodnog objekta i postupanju u slučaju kvara ili havarije na objektu.
- 2.2. Da korisnik predmetnog objekta mjerne uređaje stalno održava u ispravnom stanju, odnosno obavezno vršiti redovna baždarenja mjerača protoka u skladu sa propisima o mjernim uređajima.
- 2.3. Korisnik predmetnog objekta je dužan osigurati stalni i sistematski pregled vode, od strane ovlaštene laboratorije, i preduzimati mjere za osiguranje zdravstveno ispravne vode za piće i tehničke ispravnosti uređaja.
- 2.4. Da se vodovodni sistem isključi iz upotrebe, ukoliko se u slučaju redovnih ili vanrednih analiza i kontrola kvaliteta vode iz ovog vodovodnog sistema utvrdi da ova voda ne zadovoljava uslove vode za piće, i da se krajnji potrošači obavijeste o tome.
- 2.5. Da se sve tehnološke otpadne vode (od pranja membrana i dr.) sa postrojenja prečiste na odgovarajući način. Efluent prije ispuštanja u recipijent, rijeku Jalu, treba da zadovoljava uslove propisane Pravilnikom o uslovima ispuštanja otpadnih voda u površinske vode.
- 2.6. Da se snabdijevanje pitkom – sanitarnom i protivpožarnom vodom objekata na lokaciji Cerik vrši iz gradskog vodovodnog sistema, preko mjerača protoka.
- 2.7. Da se zahvaćene količine vode iz akumulacije Modrac prečišćavaju na postrojenju za pripremu pitke vode primjenom odabrane tehnologije koja će davati vodu za piće propisanu važećim Pravilnikom o higijenskoj ispravnosti vode za piće i vode za

- proizvodnju živežnih namirnica ("Sl. List SFRJ" br. 33/87 koji je preuzet Zakonom o preuzimanju zakona službeni list RBiH br. 2/92 i 13/94).
- 2.8. Da korisnik predmetnog objekta redovno prati kvalitet sirove vode koja dolazi na postrojenje i podatke o tome, u formi izvještaja, dostavlja Federalnom Ministarstvu poljoprivrede, vodoprivrede i šumarstva svakih šest mjeseci.
 - 2.9. Da se sanitarno – fekalne otpadne vode koje nastaju u predmetnom objektu prikupljaju zasebnim sistemom kanalizacije i odvede u trokomornu septičku jamu zatvorenog tipa.
 - 2.9.1. Obezbijediti čišćenje septičke jame od strane nadležne organizacije, a pri sačinjenom ugovoru sa istom.
 - 2.10. Da se nezagađene oborinske vode, sa platoa i krovnih površina, prikupljaju zasebnim sistemom kanala i upuštaju u recipijent – obodni kanal puta.
 - 2.11. Da se obezbijedi adekvatna zaštita pri dopremi i pretakanju hemikalija.
 - 2.12. Da se u skladištu hemikalija, dozir stanici ili na mjestima pretakanja hemikalija obezbijedi adekvatan apsorvent za prikupljanje hemikalija u slučaju incidentnog izljevanja i da se skladištenje hemikalija vrši isključivo u prostoriji namjenjenoj za to.
 - 2.13. Upotrebljeni apsorvent u skladištu hemikalija, dozir stanici ili na platou je potrebno, na adekvatan način, privremeno uskladištiti kao opasan otpad.
 - 2.14. Da se ispoštuje vodni bilans akumulacije Modrac u periodu vodoprivrednog minimuma utvrđenog važećom vodoprivrednom dozvolom za upotrebu i korištenje objekata brane i akumulacije Modrac izdatom od strane JP "Spreča" dd Tuzla.
 - 2.15. Da se nastali čvrsti, opasni i neopasni otpad redovno odstranjuje prema definisanim radnim uputstvima i sistematskim uputama o privremenom skladištenju i krajnjem zbrinjavanju od strane nadležne organizacije, a prema sačinjenom ugovoru sa istim.
 - 2.16. Da JKP "Vodovod i kanalizacija" Tuzla zajedno sa Općinom Tuzla:
 - a) Učestvuje u praćenju kvaliteta voda akumulacije Modrac, kao resursa za vodosnabdijevanje stanovništva zajedno sa nadležnim Federalnim i Kantonalnim institucijama.
 - b) Učestvuje u izradi Programa zaštite akumulacije Modrac i njegovoj realizaciji zajedno sa nadležnim Federalnim, Kantonalnim i Općinskim institucijama.
 - 2.17. Da se prava stečena po ovoj vodnoj dozvoli ne mogu prenositi na drugo lice (pravno ili fizičko) bez prethodne saglasnosti ove Agencije.
3. Korisnik objekta je obavezan da redovno plaća posebne vodne naknade za korištenje voda i zaštitu voda u skladu sa propisima.
 4. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 5. Vodna dozvola se daje na određeni period od 2 godine, tj. do augusta 2011. godine.
 6. U ovoj upravnoj stvari plaćene su sve upravne pristojbe.
 7. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole. Uslov za podnošenje zahtjeva za produženje ove vodne dozvole je izvršenje radova iz tačke 2. odnosno tački 2.1. do 2.17. dispozitiva ovog rješenja.

B. Vodozahvat pitke vode u Stuparima i pripadajući dio sistema vodosnabdijevanja

- 2.1. Da korisnik predmetnih objekata iste održava u funkcionalnom stanju u skladu sa njegovom prirodom i namjenom, izdatim vodnim aktima i Općim aktom o održavanju, korištenju i osmatranju vodnog objekta i postupanju u slučaju kvara ili havarije na objektu.
 - 2.2. Da korisnik predmetnog objekta mjerne uređaje održava u ispravnom stanju, odnosno obavezno vršiti redovna baždarenja mjerača protoka u skladu sa propisima o mjernim uređajima.
 - 2.3. Korisnik predmetnog objekta je dužan osigurati stalni i sistematski pregled vode, od strane ovlaštene laboratorije, i preduzimati mjere za osiguranje zdravstveno ispravne vode za piće.
 - 2.4. Da se vodovodni sistem isključi iz upotrebe, ukoliko se u slučaju redovnih ili vanrednih analiza i kontrola kvaliteta vode iz ovog vodozahvata utvrdi da ova voda ne zadovoljava uslove vode za piće, i da se krajnji potrošači obavijeste o tome.
 - 2.5. Da se stalno sprovode mjere o zaštiti izvorišta po Odluci o uspostavljanju zaštitnih zona za izvorišta: "Tarevčica", "Zatoča" i "7 vrela", za snabdijevanje vodom Tuzle, donešenoj na osnovu člana 28. i 44 Zakona o prostornom uređenju (Službeni list SR BiH", broj 13/75), članova 149. 150. Zakona o vodama ("Službeni list SR BiH" broj 36/74) i člana 285. Statuta opštine Kladanj, od 26.12.1986.godine.
 - 2.6. Da se snabdijevanje pitkom – sanitarnom i protivpožarnom vodom objekata na vodozahvatu Stupari vrši preko mjerača protoka.
 - 2.7. Da se sanitarno – fekalne otpadne vode koje nastaju u predmetnom objektu prikupljaju zasebnim sistemom kanalizacije i odvede u trokomornu septičku jamu zatvorenog tipa.
 - 2.7.1. Obezbijediti čišćenje septičke jame od strane nadležne organizacije, a prema sačinjenom ugovoru sa istom.
 - 2.8. Da se nezagađene oborinske vode, sa platoa i krovnih površina, prikupljaju zasebnim sistemom kanala i upuštaju u recipijent – obodni kanal puta.
 - 2.9. Da se hlorna stanica uradi prema važećim propisima i uputstvu dobivenim od strane isporučioća opreme (obzirom da se radi o agresivnoj hemikaliji koja se nalazi u boci pod pritiskom), te da se skladištenje hlora vrši samo u za to predviđenoj prostoriji hlorne stanice.
 - 2.10. Da se nastali čvrsti, opasni i neopasni otpad redovno odstranjuje prema definisanim radnim uputstvima i sistematskim uputama o privremenom skladištenju i krajnjem zbrinjavanju od strane nadležne organizacije, a prema sačinjenom ugovoru sa istim.
 - 2.11. Da se prava stečena po ovoj vodnoj dozvoli ne mogu prenositi na drugo lice (pravno ili fizičko) bez prethodne saglasnosti ove Agencije.
3. Korisnik objekta je obavezan da redovno plaća posebne vodne naknade za korištenje voda i zaštitu voda u skladu sa propisima.
 4. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 5. Vodna dozvola se daje na određeni period od 2 godine, tj. do augusta 2011. godine.
 6. U ovoj upravnoj stvari plaćene su sve upravne pristojbe.

7. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole. Uslov za podnošenje zahtjeva za produženje ove vodne dozvole je izvršenje radova iz tačke 2. odnosno tački 2.1. do 2.11. dispozitiva ovog rješenja.

C. Vodozahvat Toplice i vodozahvat Sprečko polje sa pripadajućim sistemom za prečišćavanje vode

- 2.1. Da korisnik predmetnih objekata iste održava u funkcionalnom stanju u skladu sa njegovom prirodom i namjenom, izdatim vodnim aktima i općim aktom o održavanju, korištenju i osmatranju vodnog objekta i postupanju u slučaju kvara ili havarije na objektu.
- 2.2. Da korisnik predmetnog objekta mjerne uređaje stalno održava u ispravnom stanju, odnosno obavezno vršiti redovna baždarenja mjerača protoka u skladu sa propisima o mjernim uređajima.
- 2.3. Korisnik predmetnog objekta je dužan osigurati stalni i sistematski pregled vode, od strane ovlaštene laboratorije, i preduzimati mjere za osiguranje zdravstveno ispravne vode za piće i tehničke ispravnosti uređaja.
- 2.4. Da se vodosnabdijevanje sa ovih zahvata isključi iz upotrebe, ukoliko se redovnim ili vanrednim kontrolama kvaliteta vode iz ovih zahvata utvrdi da ova voda ne zadovoljava uslove vode za piće, i da se krajnji potrošači obavijeste o tome.
- 2.5. Da se stalno sprovode mjere o zaštiti izvorišta po odlukama:
 - a) Odluka o uspostavljanju i održavanju zaštitnih zona izvorišta (bunara) u Sprečkom polju (Skupština opštine Živinice, 30.07.1985.god.) i
 - b) Odluka o uspostavljanju i održavanju zaštitnih zona izvorišta "Toplice" (Skupština opštine Živinice, 27.02.1981.god.).
- 2.6. Da se snabdijevanje pitkom – sanitarnom i protivpožarnom vodom objekata u krugu sistema za pripremu pitke vode Sprečko polje vrši preko mjerača protoka.
- 2.7. Da se sanitarno – fekalne otpadne vode koje nastaju u predmetnom objektu prikupljaju zasebnim sistemom kanalizacije i odvede u trokomornu septičku jamu zatvorenog tipa.

Obezbijediti čišćenje septičke jame od strane nadležne organizacije, a prema sačinjenom ugovoru sa istom.

- 2.8. Da se nezagađene oborinske vode, sa platoa i krovnih površina, prikupljaju i odvede u recipijent.
 - 2.9. Da se hlorna stanica uradi prema važećim propisima.
 - 2.10. Da se mjerač protoka za izvorište Toplice ugradi na lokalitetu izvorišta.
 - 2.11. Da se osposobe pijezometri na Sprečkom polju i da se redovno prati nivo podzemnih voda.
 - 2.12. Da se nastali čvrsti, opasni i neopasni otpad redovno odstranjuje prema definisanim radnim uputstvima i sistematskim uputama o privremenom skladištenju i krajnjem zbrinjavanju od strane nadležne organizacije, a prema sačinjenom ugovoru sa istim.
 - 2.13. Da se prava stečena po ovoj vodnoj dozvoli ne mogu prenositi na drugo lice (pravno ili fizičko) bez prethodne saglasnosti ove Agencije.
3. Korisnik objekta je obavezan da redovno plaća posebne vodne naknade za korištenje voda i zaštitu voda u skladu sa propisima.

4. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
5. Vodna dozvola se daje na određeni period od 2 godine, tj. do augusta 2011. godine.
6. U ovoj upravnoj stvari plaćene su sve upravne pristojbe.
7. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole. Uslov za podnošenje zahtjeva za produženje ove vodne dozvole je izvršenje radova iz tačke 2. odnosno tački 2.1. do 2.12. dispozitiva ovog rješenja.

Obrazloženje

Javno komunalno preduzeće "Vodovod i kanalizacija" Tuzla, Kulina Bana 2, 75000 Tuzla, pismenim zahtjevom broj 1159-TS zaprimljenog pod brojem 40-717-1/08 02.06.2008.godine, podnio je ovoj Agenciji zahtjev za izdavanje Vodne dozvole za zahvatanje vode za:

A. Postrojenje za prečišćavanje voda – Fabrika pitke vode "Cerik" koje se nalazi na zemljištu označenom kao k.č. 296; 420/2; 420/3; 510/4; 218/0; 255; 218/1; 21/1; 512; 523; 417; 414/2; 414/3; 415; 412/1; 1668; 2667; 2628; 2629; 2637; 2638/1; 5529; 2925/2; 2925/11; 2925/12; i 2926/1 sve upisane u k.o. Husino, a služi za potrebe snabdijevanja vodom potrošača na području grada Tuzle.

B. Zahvatanje vode za potrebe snabdijevanja vodom potrošača na području grada Tuzle za izvorište Stupari i pripadajući dio sistema za snabdijevanje vodom.

C. Vodozahvat Toplice i vodozahvat Sprečko polje sa pripadajućim sistemom za prečišćavanje vode za potrebe snabdijevanja vodom potrošača na području grada Tuzle.

A. Postojenje za prečišćavanje vode – Fabrika pitke vode Cerik – I faza

Uz zahtjev je dostavljena slijedeća dokumentacija:

1. Rješenje o urbanističkoj saglasnosti za objekat fabrike pitke vode "Cerik" - I faza općina Tuzla, izdato od strane Službe za prostorno uređenje i zaštitu okoline općine Tuzla, pod brojem: 06/10-23-003534/05V003029/05, od 02.09.2005. godine;
2. Zapisnik sa sastanka Komisije za reviziju "Glavnog projekta Postrojenja za prečišćavanje vode Cerik-I faza, kapaciteta 300 l/s, urađenog za potrebe vodosnabdijevanja općine Tuzla, održanog 15.11.2005. godine;
3. Konačni izvještaj o reviziji projektne dokumentacije "Glavni projekat Postrojenja za prečišćavanje vode za piće, kapaciteta 26.000 m³/dan Tuzla, BiH» (prvi dio), urađen od strane JP za vodoprivrednu djelatnost «Spreča» d.d. Tuzla, pod brojem 02-26/06 od 13.01.2006. godine,
4. Izvještaj o reviziji "Glavni projekat Postrojenja za prečišćavanje vode za piće, kapaciteta 26.000 m³/dan Tuzla, BiH» (drugi dio) – revidovana i nostrifikovana projektna dokumentacija, JP za vodoprivrednu djelatnost «SPREČA» d.d. Tuzla, broj 02-40/06 od 18.01.2006. godine,
5. Stručno mišljenje u postupku izdavanja vodoprivredne saglasnosti za izgradnju Fabrike pitke vode "Cerik-I faza" općina Tuzla, izdato od strane JP za "Vodno područje slivova rijeke Save" Sarajevo, pod brojem: 11-1158-4/05 od 17.02.2006. godine;

6. Rješenje kojim se izdaje vodoprivredna saglasnost JKP "Vodovod i kanalizacija" Tuzla, općina Tuzla, za izgradnju Postrojenja za prečišćavanje pitke vode "Cerik"-I faza, PS u krugu TE Tuzla i cjevovoda \varnothing 700 i \varnothing 200 mm od PS u krugu TE Tuzla do postrojenja na Ceriku sa pratećim objektima i sadržajima, za potrebe snabdijevanja vodom za piće općine Tuzla, izdato od strane Ministarstva poljoprivrede, šumarstva i vodoprivrede Tuzlanskog kantona, pod brojem: 04/01-11-25-23778/05, od 22.02.2006. godine;
7. Rješenje o odobrenju za građenje kojim se odobrava JKP "Vodovod i kanalizacija" Tuzla, izgradnja pumpne stanice sa dijelom transportnog cjevovoda u krugu TE Tuzla i potisnog cjevovoda sirove vode i povratnog cjevovoda otpadne vode za Fabriku pitke vode «Cerik – I faza», izdato od strane Službe za prostorno uređenje i zaštitu okoline Općine Tuzla, pod brojem: 06/10-23-000314/06 V 000316/06, od 24.02.2006. godine;
8. Rješenje o odobrenju za građenje, kojim se odobrava JKP "Vodovod i kanalizacija" Tuzla, izgradnja Postrojenja za prečišćavanje vode za piće, kapaciteta 26.000 m³/dan, "Cerik-I faza", izdato od strane Službe za prostorno uređenje i zaštitu okoline Općine Tuzla, pod brojem: 06/10-23-000555/06 V 000314/06 V 000316/06, od 04.08.2006. godine;
9. Zapisnik o izvršenom tehničkom pregledu objekta Postrojenje za prečišćavanje vode-Fabrika pitke vode Cerik-faza sa pumpnom stanicom i dijelom transportnog cjevovoda u krugu TE Tuzla, potisnim cjevovodom sirove vode i povratnim cjevovodom otpadne vode, sačinjen od strane Komisije za tehnički pregled objekta Postrojenje za prečišćavanje vode-Fabrika pitke vode Cerik-I faza sa pumpnom stanicom i dijelom transportnog cjevovoda u krugu TE Tuzla, potisnim cjevovodom sirove vode i povratnim cjevovodom otpadne vode, od 18.12.2006. godine;
10. Rješenje o odobrenju za upotrebu (probni rad) kojim se daje odobrenje za upotrebu (probni rad) Pumpne stanice sa dijelom transportnog cjevovoda u krugu TE Tuzla, potisnog cjevovoda sirove vode i povratnog cjevovoda otpadne vode, postrojenja za prečišćavanje vode za piće fabrike pitke vode "Cerik-I faza", izdato od strane Službe za prostorno uređenje i zaštitu okoline općine Tuzla, pod brojem: 06/10-23-003768/06, od 18.12.2006. godine;
11. Izvještaj o hemijskoj analizi (za uzorak vode: Fabrika vode Cerik Tuzla-sirova voda), urađen od strane Instituta za hemijsko inženjerstvo Tuzla, po brojem: 152-1/06, od 14.12.2006. godine;
12. Izvještaj o hemijskoj analizi (za uzorak vode: Fabrika vode Cerik Tuzla-sirova voda), urađen od strane Instituta za hemijsko inženjerstvo Tuzla, po brojem: 157-1/06, od 25.12.2006. godine;
13. Analitički izvještaj (Broj PP: 134), vode za piće (izlaz hlorisane vode), fizičko-hemijska analiza, bakteriološka analiza, radiološka ispravnost vode-mjerenje ukupne beta aktivnosti, urađen od strane Zavoda za javno zdravstvo Federacije Bosne i Hercegovine, Služba za higijenu i zdravstvenu ekologiju Sarajevo, pod brojem: S-06-02-4-80-1/07, od 15.12.2007. godine;
14. Izvještaj o hemijskoj analizi (za uzorak vode: Fabrika vode Cerik Tuzla-otpadna voda postrojenja), urađen od strane Instituta za hemijsko inženjerstvo Tuzla, po brojem: 14/07, od 13.02.2007. godine;
15. Elaborat o utvrđivanju efikasnosti rada Postrojenja za pripremu pitke vode "Cerik" Tuzla, urađen od strane Instituta za hemijsko inženjerstvo Tuzla, aprila/travnja 2007. godine;
16. Elaborat o utvrđivanju kvaliteta i količina otpadnih voda koje nastaju na Postrojenju za pripremu pitke vode "Cerik" Tuzla, urađen od strane Instituta za hemijsko inženjerstvo Tuzla, aprila/travnja 2007. godine,
17. Zapisnik o izvršenom uviđaju stručnih predstavnika Javnog preduzeća za "Vodno područje slivova rijeke Save" Sarajevo za izvršeni uviđaj na licu mjesta, po zahtjevu za izradu stručnog mišljenja u postupku izdavanja vodoprivredne dozvole za izgrađeni objekat Postrojenje za prečišćavanje vode za piće "Cerik-I faza" (postrojenje, cjevovodi i PS) općina Tuzla, od 01.02.2007. godine;

18. Stručno mišljenje u postupku izdavanja vodoprivredne dozvole za izgradnju Fabrike pitke vode "Cerik-I faza" općina Tuzla, izdato od strane JP za "Slivno područje rijeke Save" Sarajevo, pod brojem: 11/13/14-821-4/06, od 07.05.2007. godine,
19. Nalaz i mišljenje sa prijedlogom rješenja Komisije za pregled tehničke dokumentacije i vršenje uvida MPŠV TK, pod brojem 04/1-25-1391/06 od 21.05.2007. godine,
20. Pravilnik o održavanju, korištenju i osmatranju vodoprivrednih objekata, postrojenja za prečišćavanje vode iz akumulacije Modrac tehnologijom ultrafiltrirajućih zeeweed potopljenih membrana za Općinu Tuzla kapaciteta 300 l/s, donesen od strane Nadzornog odbora JKP «Vodovod i kanalizacija» doo Tuzla, pod brojem 937/07 od 01.03.2007. godine,
21. Uputstvo za rukovanje i održavanje – proces i oprema (broj dokumenta: C1197.101.05.70), urađen od strane Zenon Systems Ltd Tatabánya-Hungary, 02.12.2006. godine,
22. Protokol o preuzimanju postrojenja sačinjen dana 14.03.2007. godine između JKP «Vodovod i kanalizacija» Tuzla (kupac) i Zenon Systems Kft. (prodavac),
23. Tehničko-projektna dokumentacija:

Glavni projekat, Postrojenje za prečišćavanje vode za piće, kapaciteta 26.000 m³/dan (300 l/s), Tuzla, BiH, br. Projekta C 1197, koji je urađena od strane „Voding – 92“ d.o.o., Grupa za implementaciju projekata, Brčko, augusta 2005. godine. Projektna dokumentacija sadrži:

 - Opšti dio,
 - Postrojenje za prečišćavanje vode za piće „Cerik“, arhitektonsko građevinski dio, Projekat rezervoara procesne otpadne vode, broj kompleta: C1197.240.00,
 - Postrojenje za prečišćavanje vode za piće „Cerik“, arhitektonsko građevinski dio, Projekat vodovoda i kanalizacije, broj kompleta: C1197.250.00,
 - Postrojenje za prečišćavanje vode za piće „Cerik“, arhitektonsko građevinski dio, Projekat saobraćajnica, broj kompleta: C1197.260.00,
 - Postrojenje za prečišćavanje vode za piće „Cerik“, arhitektonsko građevinski dio, Projekat potpornog zida-dopuna, broj kompleta: C1197.270.00,
 - Postrojenje za prečišćavanje vode za piće „Cerik“, grijanje i ventilacija, broj kompleta: C1197.380.00,
 - Postrojenje za prečišćavanje vode za piće „Cerik“, elektro dio, broj kompleta: C1197.430.00,
 - Pumpna stanica u krugu TE „Tuzla“, mašinski dio, br. kompleta C1197.310.00,
 - Pumpna stanica u krugu TE „Tuzla“, elektro dio, br. kompleta C1197.410.00,
 - Postrojenje za prečišćavanje vode za piće „Cerik“, Hlorisanje, br. kompleta C1197.370.00.;

Postrojenje za prečišćavanje vode za piće, kapaciteta 26.000 m³/dan, Tuzla, BiH, br. Projekta C 1197, koji je urađen od strane firme Zenon Systems Ltd Tatabánya-Hungary, jula 2005. godine, i to slijedeća dokumentacija:

- Detaljna projektna dokumentacija, procesna zgrada i pumpna stanica (snabdijevanje električnom energijom), broj dokumenta C1197.400.01.51,
- Detaljna projektna dokumentacija, Opći dio, Spisak dokumenata, Broj paketa: C1197.100.01.50,
- Detaljna projektna dokumentacija, Proces i oprema, Broj dokumenta: C1197.300.00.51;
- Detaljna projektna dokumentacija, Instrumentacija i kontrola, Broj paketa: C1197.500.00.51;

Postrojenje za prečišćavanje vode za piće, kapaciteta 26.000 m³/dan (300 l/s), Tuzla, BiH, br. Projekta C 1197, koja je urađena od strane „Voding – 92“, d.o.o., Grupa za implementaciju projekata, Brčko, augusta 2005. godine, i to projekti koji se odnose na:

- Arhitektonsko građevinski dio, Broj paketa: C1197.230.00, sveske: 1., 2., 3., 4. i 4a. (tekst, crteži, armaturni planovi, čelična konstrukcija),
- Arhitektonsko građevinski dio, Broj paketa: C1197.210.00, sveske: 1., 2., 3., (tekst, crteži i armaturni planovi i planovi oplata),

Postrojenje za prečišćavanje pitke vode – osnovna inženjering dokumentacija, Glavni projekat cjevovoda broj C-1197.220.00 (C-1197.221.00 do C-1197.224.00: dovodni cjevovod sirove vode, potisni cjevovod sirove vode, cjevovod otpadne vode iz "DWTP", cjevovod otpadne vode iz PS), urađen od strane JKP "Vodovod i kanalizacija" Tuzla, jula 2006. godine, Dopuna projektne dokumentacije u vezi izdavanja vodoprivredne saglasnosti za objekat postrojenja za prečišćavanje pitke vode "DWTP Cerik", urađena od strane JKP "Vodovod i kanalizacija" Tuzla, pod brojem: 3667 od 29.11.2006. godine.

Od strane stručnih lica Agencije i uz prisustvo predstavnika podnosioca zahtjeva dana 15.05.2009.godine, obavljen je uviđaj na licu mjesta i sačinjen Zapisnik broj: 40-717-7/08, bez primjedbi, potpisan od strane prisutnih ispred podnosioca zahtjeva i ispred "Agencije za vodno područje rijeke Save" Sarajevo.

Na osnovu dostavljene dokumentacije i izvršenog uviđaja na licu mjesta utvrđeno je slijedeće:

- Objekat Postrojenje za prečišćavanje vode za piće "Cerik"-I faza je izgrađen u skladu sa projektnom dokumentacijom.
- Izvorište sirove vode je akumulacija Modrac. Voda se iz akumulacije Modrac transportuje cjevovodima Ø700 i Ø800 do rezervoara sirove vode u krugu Termoelektrani Tuzla. Iz rezervoara sirove vode, voda se pumpanjem preko predfiltera (mikrofiltracija) transportuje u fabriku vode na Ceriku.
- Postojenje za prečišćavanje vode – Fabrika pitke vode Cerik ima kapacitet od 300 l/s prečišćene vode na dan, tj. tri polja sa kapacitetom po 100 l/s. Kapacitet postrojenja na dovodu sirove vode je 330 l/s.
- U sklopu pogona Cerik je izgrađeno:
 - Zgrada za smještaj opreme za prečišćavanje vode membranskom tehnologijom,
 - Komandna soba,
 - Laboratorija,
 - Prostorija za smještaj MC (Maintenance cleaning – redovno čišćenje),
 - Magacin hemikalija,
 - Oprema za doziranje hemikalija,
 - Prostorija za smještaj hlorne opreme,
 - Rezervoar prečišćene vode,
 - Bazen za prihvatanje tehnoloških otpadnih voda,
 - Cjevovodi u krugu objekta,
 - Septička jama (trokomorna, zatvorenog tipa),
 - Saobraćajnica.
- Postupak prečišćavanja vode je zasnovan na korištenju procesa ultrafiltracije, kao i standardnih predtretmanskih procesa. Postupak prečišćavanja je slijedeći:
 - Zahvat sirove vode,
 - Mikrofiltracija sirove vode,
 - Predhlorinacija (kod povišenog sadržaja mikroorganizama),
 - Oksidacija oksidirajućih materija sa doziranjem otopine KMnO_4 ,
 - Koagulacija sa doziranjem otopine $\text{Fe}_2(\text{SO}_4)_3$,
 - Ultrafiltracija vode sa membranama ZeeWeer[®],
 - Završna dezinfekcija plinskim hlorom (u rezervoaru prečišćene vode),
 - Distribucija prečišćene vode,
 - Evakuacija tehnoloških otpadnih voda.
- Snabdijevanje pitkom i protivpožarnom vodom objekata na lokaciji Cerik vrši iz gradskog vodovodnog sistema, preko mjerača protoka.

- Gasni hlor se nalazi u bocama pod pritiskom i skladišten je u posebnoj prostoriji. U slučaju curenja hlora, u magacinu hlora se nalazi sonda koja detektuje hlor u prostoriji te automatski pokreće neutralizaciju hlora koji curi.
- Urađen je Pravilnik o održavanju, korištenju i osmatranju objekata i opreme pogona za tretman vode Cerik (plan i pogon održavanja) u sklopu kojeg su navedeni i problemi koji mogu nastati u sistemu i odgovarajuće aktivnosti za njihovo suzbijanje, kao i monotiring sistema.

B. Vodozahvat pitke vode u Stuparima i pripadajući dio sistema vodosnabdjevanja

Uz zahtjev je dostavljena slijedeća dokumentacija:

1. Glavni projekat vodovoda Tuzla, dokumentacija za prvi sistem vodosnabdjevanja sa područja Stupara (zahvat "Zatoča", dovodni cjevovod od LŽ cijevi DN 250 mm, dužine 29,80 km i R "Brdo" $V = 630 \text{ m}^3$), rađen 1908. godine u Beču, Austrija,
2. Uređajna osnova zaštite voda sliva Tarevčice i Zatoče, Sreska poljoprivredna stanica Tuzla 1962. godine,
3. Dokumentacija i prijedlog zaštitnih zona za vrela Tarevčica i Zatoča, "Geozavod" Beograd 1974. godine,
4. Put Stupari – Đurđevik (novi cjevovod), Geodetski zavod Ljubljana, decembra 1957. godine,
5. Glavni projekat vodovoda Tuzla, "Inženjersko projektni zavod" Zagreb, 1959. godine-knjiga 1. do 7. (Opći dio, Zahvat izvora Zatoča, Cjevovod Tarevčica – sabirna komora, Cjevovod Zatoča – Tuzla, Kaptaže izvora Tarevčica, Strojarnica – građevinski dio, Strojarnica – elektrooprema),
6. Glavni projekat vodovoda Tuzla – uređaji za prečišćavanje pitke vode, "Inženjersko projektni zavod" Zagreb, 1960. godine – knjiga 1 do 8 (Opći dio, Zgrada za koagulaciju i klorinator, Taložnice, Filtrirnica, Strojarnica, Vodosprema za ispiranje filtera, Mreža između objekata i uređenje gradilišta, Elektrooprema),
7. Glavni projekat vodospremnika na Ilinčici (rezervoar "Mosnik" zapremine $V = 2 \times 1500 \text{ m}^3$), Inženjersko projektni zavod" Zagreb, 1959. godine,
8. Glavni projekat vodovoda Tuzla – zahvat Zatoča, "Inženjersko projektni zavod" Zagreb, 1963. godine,
9. Projekat kaptaže "7 vrela" na Gostelji, crpna stanica i cjevovod do filterskih uređaja u Stuparima, Projektni biro Građevinsko preduzeće "Gradina" Tuzla, 1966. god.,
10. Rješenje o dozvoli za upotrebu rezervoara na Ilinčici (Mosnik), izdato od strane NR BiH Narodnog odbora sreza Tuzla pod brojem: 05/6-12085/1 od 28.12.1961. godine,
11. Rješenje o odobrenju izgradnje kaptaže izvorišta u kanjonu Gostelje za vodosnabdjevanje grada Tuzle, izdato od strane SR BiH Skupštine opštine Kladanj, pod brojem: 04/5-5236 od 28.10.1964. godine,
12. Rješenje o prijemu izvedenih radova na objektima taložnice broj 2, 3 i 4 vodovoda u Stuparima, pod brojem: 04-1536 od 19.12.1967. godine.
13. Šema objekta u Stuparima
14. Zapisnik komisije za tehnički pregled izvršenih radova na cjevovodu Stupari –Nova kaptaža sa automatizacijom
15. Rješenje - daje se vodoprivredna za izgradnju cjevovoda Crijevčići –Stupari što u stvari predstavlja proširenje i povećavanje kapaciteta rezervoara za vodu u Stuparima.
16. Rješenje - odobrava se Kom. pred. Za vodovod i kanalizaciju izgradnja cjevovoda Crijevčići – Stupari
17. Rješenje – Odobrava se investitoru Kom. pred. za vodovod i kanalizaciju iz Tuzle izgradnja kaptaže izvorišta na k.č. broj.158/1 upisane u z.k._____ k.o. Crijevčići.

18. Rješenje o primaju se izvedeni radovi na objektu nove kaptaže sa automatizacijom i cjevovoda Stupari – nova Kaptaža u Stuparima , čiji je investitor Komunalno preduzeće za vodovod i kanalizaciju "Vodovod" Tuzla.
19. Odluka o uspostavljanju i održavanju zaštitnih zona za izvorišta "Tarevčica", "Zatoča" i "7 Vrela"

Od strane stručnih lica Agencije i uz prisustvo predstavnika podnosioca zahtjeva dana 15.05.2009.godine, obavljen je uviđaj na licu mjesta i sačinjen Zapisnik broj: 40-717-7/08 bez primjedbi, potpisan od strane prisutnih ispred podnosioca zahtjeva i ispred "Agencije za vodno područje rijeke Save" Sarajevo.

Na osnovu dostavljene dokumentacije i izvršenog uviđaja na licu mjesta utvrđeno je slijedeće:

- Pogon Stupari je izgrađen u skladu sa projektnom dokumentacijom.
- U sklopu pogona Stupari je izgrađeno:
 - Bazeni za brzo miješanje koagulanta,
 - Taložnice (6 taložnica),
 - Filternica sa 10 filterskih polja i cijevnom galerijom,
 - Rezervoar za pranje filtera,
 - Sabirni rezervoar prečišćene vode, sa prostorom predviđenim za hlorisanje,
 - Cjevovodi u krugu objekta,
 - Septička jama (trokomorna, zatvorenog tipa),
 - Saobraćajnica.
- U pogon "Stupari" voda dolazi iz tri izvorišta Zatoča i Tarevčica gravitaciono i "7 Vrela" pumpanjem.
- Vrela Tarevčica, Zatoča 1, Zatoča 2 i 7 Vrela imaju po jedan zahvat i slijedeće kapacitete:
 - Tarevčica min. 23 l/s, max. 140 l/s,
 - Zatoča 1 min. 50 l/s, max. 90 l/s,
 - Zatoča 2 min. 30 l/s, max. 50 l/s,
 - 7 Vrela min. 80 l/s, max. 120 l/s.
- Mjerači protoka za izvorišta Tarevčica, Zatoča 1, Zatoča 2 i 7 Vrela se nalaze u krugu objekta Stupari.
- Sa vrela Tarevčica (cjevovodom Ø250) i vrela Zatoča (cjevovodom Ø400) dotiču vode u mješač koji služi i kao prekidna komora, a smješten je u zgradi za koagulaciju.
- Voda sa izvorišta "7 Vrela" pumpanjem dolazi direktno u sabirni rezervoar sa hlorinatorom.
- Dezinfekcija vode se vrši plinskim hlorom, koji je neadekvatno skladišten u zgradi sa filterima.
- U slučaju zastoja hlorinacije plinskim hlorom, ukoliko korisnik ima mogućnost alternativne dezinfekcije, doziranje se mora vršiti prema uputama dobivenim od proizvođača ili zaustaviti proizvodnju vode.
- Prva zaštitna zona izvorišta Tarevčica, Zatoča 1, Zatoča 2 i 7 Vrela je ograđena.

C. Vodozahvat Toplice i vodozahvat Sprečko polje sa pripadajućim sistemom za prečišćavanje vode

Javno komunalno preduzeće "Vodovod i Kanalizacija" Tuzla, Kulina Bana 2, 75000 Tuzla, pismenim zahtjevom broj 1159-TS zaprimljenog pod brojem 40-717-1/08 02.06.2008.godine, podnio je ovaj Agenciji zahtjev za produženje Vodne dozvole za

Uz zahtjev je dostavljena slijedeća dokumentacija:

1. Hidrogeološka ispitivanja u Sprečkom polju za vodosnabdjevanje grada Tuzle – Izvještaj za radove izvedene 1971. i 1972. godine, Zavod za geološka i geofizička istraživanja Beograd, 1972. godine,
2. Izvedbeni projekat tlačnog cjevovoda (od bunara u Sprečkom polju do uređaja za deferizaciju), "Investprojekt" Zagreb, 1984. godine,
3. Projekat zaštitnih zona izvorišta (bunara) u Sprečkom polju, SOUR "Titovi rudnici uglja Tuzla", RO Rudarsko-geološki institut i fakultet Tuzla, 1985. godine,
4. Glavni projekat zahvatanja podzemnih voda Sprečkog polja za snabdjevanje pitkom vodom grada Tuzle i okolnih mjesta (optimizacija izvorišta), MVP "Spreča" dd Tuzla, 1994. godine,
5. Glavni projekat transporta pitke vode od PS "Živinice" do rezervoara "Ši Selo" - izmjena trase na dionici kroz naselje Par Selo i dionici od pjeskare u Par Selu do naselja Orašje, MVP "Spreča" dd Tuzla, 1995. godine,
6. Izvedbeni projekat rezervoara "Ši Selo" zapremine $V = 5000 \text{ m}^3$ u Tuzli, MVP "Spreča" dd Tuzla 1996./97. godinu – knjiga 1 do 4 (Elaborat o inženjersko-geološkim i geomehaničkom istraživanju na lokaciji rezervoara "Ši Selo" zapremine $V = 5000 \text{ m}^3$, Arhitektonsko-konstruktivni dio (tekst i nacrti), Projekat hidromehaničke opreme, Poseban prilog zaštiti čovjekove okoline i uređenje površina oko rezervoara),
7. Glavni projekat CS Živinice (knjiga I i II), urađen od strane PP "PROJEKT" Sarajevo, 1997. godine,
8. Glavni projekat pogona za deferizaciju vode-arhitektonski dio, urađen od strane SOUR Investprojekt Sarajevo, RO za projektovanje Projekt Sarajevo,
9. Glavni projekat CS sa rezervoarom u Živinicama – statički proračun i armaturni planovi, urađen od strane PP "PROJEKT" Sarajevo, 1977. godine,
10. Glavni projekat potisnog I razvodnog cjevovoda sa objektima od CS Živinice do rezervoara Lukavac u Lukavcu (knjiga II) urađen od strane PP "PROJEKT" Sarajevo, 1977. godine,
11. Planovi armature za objekte na trasi cjevovoda Živinice-Lukavac, urađen od strane PP "PROJEKT" Sarajevo, 1977. godine,
12. Statički račun sa planovima armature za rezervoar $2 \times 2500 \text{ m}^3$ „Cerik“, urađen od strane PP "PROJEKT" Sarajevo, 1977. godine,
13. Glavni projekat transporta pitke vode od PS "Spreča" u Živinicama do R "Ši Selo" (knjiga 1: cjevovodi i knjiga 2: hidraulički, mašinski i elektro dio), urađen od strane MVP "Spreča" dd Tuzla, 1994. godine,
14. Glavni projekat predtretmana sirove vode izvorišta Sprečko polje, urađen od strane MVP "Spreča" dd Tuzla i "Rudhem" Tuzla, 1995. godine,
15. Glavni projekat proširenja filter stanice u krugu PS "Spreča" u Živinicama, urađen od strane MVP "Spreča" dd Tuzla, 1996. godine,
16. Rješenje o vodoprivrednoj saglasnosti za zahvatanje vode iz Sprečkog polja, izdato od strane SR BiH – Republički komitet za poljoprivredu, šumarstvo i vodoprivredu Sarajevo, pod brojem: UP-I 06-337-372/83 od 13.12.1983. godine,
17. Rješenje o vodoprivrednoj saglasnosti na izgradnju uređaja za crpljenje podzemnih voda Sprečkog polja i uređaja za prečišćavanje vode u svrhu vodosnabdjevanja Tuzle sa okolinom, izdato od strane SR BiH – Republička uprava za vodoprivredu Sarajevo pod brojem UP-I-02-337-349/76 od 13.01.1977. godine,

18. Rješenje o izdavanju urbanističke saglasnosti za građevinu i radove četiri bušena bunara sa servisnim putem i cjevovodima radi zahvatanja vode u Sprečkom polju do crpne stanice u Živinicama, izdato od strane SR BiH Općina Živinice – Opštinska komisija za urbanizam, građevinske, stambeno-komunalne i imovinsko-pravne posove, pod brojem: 04/4-UP/I-364-792/83 od 03.10.1984. godine,
19. Rješenje o sanitarnoj saglasnosti na glavne projekte pogona za deferizaciju vode vodovoda Živinice, za potrebe vodosnabdjevanja Tuzle, izdato od strane SR BiH – Republički komitet za zdravstvo i socijalnu zaštitu, pod brojem: 10-510-17/85 od 14.12.1985. godine.
20. Osnovni pregled sirove vode iz bunara u Sprečkom polju, urađen od strane Zavoda za javno zdravstvo TK Tuzla pod brojem 14 od 13.01.2006. godine, po kojoj pregledani uzorak vode ne odgovara propisima Pravilnika zbog mutnoće, povećanog sadržaja željeza i mangana,
21. Osnovni pregled sirove vode iz izvora Tarevčica, urađen od strane Zavoda za javno zdravstvo TK Tuzla pod brojem 17 od 13.01.2006. godine, po kojem pregledani uzorak vode odgovara propisima Pravilnika,
22. Osnovni pregled sirove vode iz izvora Zatoča, urađen od strane Zavoda za javno zdravstvo TK Tuzla pod brojem 16 od 13.01.2006. godine, po kojem pregledani uzorak vode ne odgovara propisima Pravilnika, zbog mutnoće,
23. Osnovni pregled sirove vode iz sabirne komore C.S. Živinice, urađen od strane Zavoda za javno zdravstvo TK Tuzla pod brojem 19 od 13.01.2006. godine, po kojoj pregledani uzorak vode odgovara propisima Pravilnika,
24. Bakteriološka analiza sirove vode iz bunara u Sprečkom polju, urađen od strane Zavoda za javno zdravstvo TK Tuzla pod brojem 06-12-32/06 od 17.01.2006. godine, po kojoj pregledani uzorak vode odgovara propisima Pravilnika.
25. Bakteriološka analiza sirove vode iz izvora Tarevčica, urađen od strane Zavoda za javno zdravstvo TK Tuzla pod brojem 06-12-29/06 od 18.01.2006. godine, po kojoj pregledani uzorak vode odgovara propisima Pravilnika.
26. Bakteriološka analiza sirove vode iz izvora Zatoča, urađen od strane Zavoda za javno zdravstvo TK Tuzla pod brojem 06-12-30/06 od 18.01.2006. godine, po kojoj pregledani uzorak vode ne odgovara propisima Pravilnika,
27. Bakteriološka analiza sirove vode iz sabirne komore C.S. Živinice, urađen od strane Zavoda za javno zdravstvo TK Tuzla pod brojem 06-12-27/06 od 17.01.2006. godine, po kojoj pregledani uzorak vode odgovara propisima Pravilnika.
28. Šema sistema Spreča
29. Rješenje – odobrava se upotreba izvedenih radova na vodosnabdijevanju u Sprečkom polju sa crpnom stanicom
30. Odluka o ustanovljenju i održavanju zaštitnih zona izvorišta (bunara) u Sprečkom polju
31. Rješenje – vodoprivredna saglasnost na izgradnju uređaja za crpljenje podzemnih voda Sprečkog polja i uređaja za prečišćavanje vode u svrhu vodo snabdijevanja Tuzle sa okolinom.

Od strane stručnih lica Agencije i uz prisustvo predstavnika podnosioca zahtjeva dana 15.05.2009.godine, obavljen je uviđaj na licu mjesta i sačinjen Zapisnik broj: 40-717-7/08 bez primjedbi, potpisan od strane prisutnih ispred podnosioca zahtjeva i ispred "Agencije za vodno područje rijeke Save" Sarajevo.

Na osnovu dostavljene dokumentacije i izvršenog uviđaja na licu mjesta utvrđeno je slijedeće:

- U okviru pogona Spreča – Živinice egzistiraju dvije tehnološke cjeline:
 - Pumpna stanica "Spreča" i
 - Pogon za predtretman i tretman pitke vode "Sprečko polje"
- Pumpna stanica "Spreča" je namijenjena za snabdijevanje vodom pet pravaca sa pet zasebnih potisnih cjevovoda. U pumpnu stanicu "Spreča" dolazi voda iz pogona

- “Stupari”, iz četiri bunara “Toplice” pod pritiskom i osam bunara “Sprečko polje” (EB1, EB2, EB3, EB4, EB6, EB7, EBZ1, EBZ2) pumpanjem.
- Na lokaciju pogona za predtretman i tretman pitke vode “Sprečko polje” dolazi voda iz 4 bunara “Toplice” (min. kapaciteta 140 l/s i max. 220 l/s) i 8 bunara “Sprečko polje” (min. kapaciteta 100 l/s i max. 140 l/s). Voda iz bunara “Toplice” se zahvata, transportuje gravitacijom i direktno upušta u bazen čiste vode. Voda iz bunara “Sprečko polje” se zahvata iz podzemlja serijom bušenih bunara i zajedničkim cjevovodom transportuje do postrojenja za prečišćavanje vode. Obzirom da voda iz bunara “Sprečko polje” sadrži željezo, mangan i amonijak ova voda se dubinskim pumpama dovodi u pogon predtretmana pogona “Spreča” gdje se vrši deferizacija i demanganizaciju ove vode.
 - Pogon za predtretman i tretman pitke vode Sprečko polje čine slijedeći objekti:
 - Objekti predtretmana (toranj, dvije linije aeracije, dva bazena za koagulaciju sa brzim mješačem, dva bazena za flokulaciju sa sporim mješačem, dva lamelna taložnika i rezervoar sa pumpanicom),
 - Filtersko postrojenje sa 16 brzih zatvorenih pješčanih filtera tipa Culligan,
 - Rezervoar sa vodom za pranje filtera,
 - Pumpno postrojenje za pranje filtera,
 - Objekat za smještaj plinskog hlora, hlorinatorska stanica,
 - Cjevovod za odvod otpadne vode,
 - Lagune za taloženje mulja sa dvije linije,
 - Odvodni cjevovod mulja,
 - Sabirna komora (u koju dolazi voda iz bunara Toplice i tretirana vode iz bunara Sprečko polje),
 - Mašinska hala,
 - Trafostanica,
 - Postrojenje pumpne stanice “Spreča”
 - Septička jama (trokomorna, zatvorenog tipa),
 - Saobraćajnica.
 - Dezinfekcija vode se vrši plinskim hlorom, koji je neadekvatno skladišten. U slučaju akcidentnog stanja nije instalirana oprema za neutralizaciju.
 - Mjerač za vodozahvat Toplice je na Sprečkom polju.
 - Prva zaštitna zona vodozahvata Toplice i Sprečko polje je ograđena.

Razmatrajući podneseni zahtjev, a na osnovu pregledane tehničke dokumentacije i izvršenog uviđaja na objektima Postrojenja za prečišćavanje vode za piće “Cerik”, Sistema za pripremu pitke vode Sprečko polje i pripadajući dio sistema vodosnabdijevanja, te na objektima sistema Stupari i pripadajućeg dijela sistema za snabdijevanja vodom, podnosiocu zahtjeva su ovom vodnom dozvolom, u tački 2. dispozitiva Rješenja propisani uslovi u skladu sa članom 116. stav 1., članom 20. stav 4. i članom 66. Zakona o vodama (“Službene novine Federacije BiH”, broj 70/06); članom 3. Pravilnika o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno u drugi prijemnik (“Službene novine Federacije BiH”, broj 50/07); članom 21., članom 22. i članom 32 Pravilnika o sadržaju, obliku, uvjetima, načinu izdavanja i čuvanja vodnih akata (“Službene novine Federacije BiH”, broj 6/08), te odredbama Pravilnika o higijenskoj ispravnosti vode za piće i vode za proizvodnju živežnih namirnica (“Sl. List SFRJ” br. 33/87 i 13/91, koji je preuzet Zakonom o preuzimanju zakona službeni list RBiH br. 2/92 i 13/94), članom 48. stav 3. Zakona o vodama.

Na zahtjevu je priložena upravna pristojba u iznosu od 3,00 KM po Tar. br 1. i naknadna uplaćena federalna pristojba u iznosu od 60 KM po Tar. br. 43., Zakona o federalnim upravnim pristojbama i Tarifi federalni upravnih pristojbi ("Službene novine Federacije BiH", broj 06/98).

Uputa o pravnom lijeku

Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Po ovlaštenju
Rukovodilac Sektora za izdavanje vodnih akata

Nedžad Vilić, dipl.ing.građ.

Dostaviti:

- JKP "Vodovod i Kanalizacija" Tuzla,
ul. Kulina Bana 2, 75 000 Tuzla
- Federalno ministarstvo poljoprivrede,
vodoprivrede i šumarstva – Sarajevo
- FU za inspekcijske poslove, vodna inspekcija
- AVP – ISV – Vodna knjiga
- Sektor 50
- Sektor 40, arhiva